

隨州志卷一

星野

歐陽公作五代史不崇天文謂渾蓋家盡智畢議大抵摺摭傳會未必占候歷歷不爽也然分星之說昉於周禮鶉尾楚次見於鄭注前世如梓慎裨竈之屬言天人之應若符節觀雲物以察妖祥贊化調元亦善政之一助云

翼軫荊州

史記

按荊州爲全楚之名周禮保章氏以星土辨九州之地

隨州志

卷一 星野

一

楚得翼軫分南北言之則翼主南而軫主北

北斗玉衡第七星

北斗第四星曰權

主荊州常以五卯日候之乙

卯爲南陽

星經

晉書天文志北斗七星二曰璇其分爲楚與此不合茲取後漢書劉昭補注以占在南陽爲據

南陽入翼六度

晉書天文志

晉以南陽屬荊州故有入翼度之說自唐一行以山河兩戒定九州分野謂中國地絡在南北河之間首自西頃至於陪尾故隨申光皆豫州之分宜屬鶉火而後世

仍之始以南陽諸縣盡屬張宿舊志泛言隨應翼八九度連軫居巳垣之初以今日歲差之法較之則翼八九度已入壽星之次矣

按唐一行分南紀北紀由漢水之陰趨均州光化穀城棗陽折而隨州抵應山於漢陽爲南郡入翼十二度布太微之政而在巽維外者鶉尾也故爲列山氏之墟

唐書

天文志

按費直周易起張十三度至軫七度爲鶉尾荊州分

張直南陽漢東與鶉尾同占

全上

隨州志

卷一 星野

二

唐書鶉火初柳七度終張十四度自滎陽南暨漢東盡漢南陽之地按此則隨當在午巳二垣之間入張十五度餘

隨爲鶉火分

唐書地理志

按南方朱鳥首在秦尾在楚左傳旅於明年之次以害鳥帑周楚惡之杜注南爲朱鳥鳥尾曰帑周楚之分蓋兼鶉火言也隨屬鶉尾

京西南路禹貢豫荆之域當柳星張之分

宋史地理志

德安府屬之隨州張分

明史天文志

明史柳四度至張十五度鶉火之次也湖廣布政司所屬德安府之隨州襄陽府之均州光化縣皆張分按清類天文分野一書成於洪武十七年此時西法未入中國故宮度尙依舊法自西洋以中氣過宮而恒星亦有歲進之差明史以崇正元年較定黃赤二道過宮交宿赤道鶉尾起張六度五十一秒今

欽定七政全書鶉尾起星五度二十一秒則張宿已爲巳垣中星矣